

A.

Na osnovu člana 32. Zakona o javnim nabavkama Bosne i Hercegovine („Službeni glasnik BiH“, broj: 39/14), a nakon provedenog otvorenog postupka za izbor dobavljača roba - Lot. 10 Rezervni dijelovi za Teretno i putničko vozilo Zastava, za potrebe KJP „Sarajevo-šume“ d.o.o. Sarajevo u 2019. godini, dana 28.02.2019. godine u Sarajevu zaključen je

OKVIRNI SPORAZUM O JAVNOJ NABAVCI ROBA

Između:

KJP „Sarajevo-šume“ d.o.o. Sarajevo, ul. Maršala Tita 7/II (u daljem tekstu: **Ugovorni organ**), koga zastupa Direktor Preduzeća **mr.sci. Nermin Demirović, dipl.ing.šum.**

i
„DRR Auto“ Društvo s ograničenom odgovornošću Kiseljak, sa sjedištem u Kiseljaku, ul. Kralja Tomislava 56, registrovano kod Općinskog suda u Travniku, Aktuelni izvod iz sudskog registra: 051-0-RegZ-18-001260 od 26.10.2018. godine, identifikacioni broj: 4236536560007; PDV broj: 236536560007 (u daljem tekstu: **Ponuđač**) koga zastupa **Grubešić Dragan, direktor.**

(u daljem tekstu : **Ugovorne strane**)

Član 1.

U skladu sa ovim Okvirnim sporazumom Ugovorne strane će tokom cijelog ugovornog perioda zaključivati pojedinačne ugovore o predmetu javne nabavke za koji je proveden otvoreni postupak za izbor dobavljača roba za potrebe Ugovornog organa u 2019 godini, i to :

- **Lot. 10 Rezervni dijelovi za Teretno i putničko vozilo Zastava**

Nabavka i sukcesivna isporuka roba iz prethodnog stava vršit će se do iznosa od **15.000,00 KM (slovima:petnaesthiljada KM)**, bez uračunatog PDV-a, a što će zavistiti od potreba Ugovornog organa.

Član 2.

Ovaj Okvirni sporazum se zaključuje na osnovu Zapisnika sa otvaranja ponuda za javnu nabavku roba broj: 0103-2870/18 za Lot. 10 Rezervni dijelovi za Teretno i putničko vozilo Zastava, broj: 0103-2870-63/18 od 14.12.2018. godine, Zapisnika o pregledu i ocjeni ponuda, broj:0103-2870-80/18 od 29.01.2019. godine, Odluke Nadzornog odbora Ugovornog organa, broj: 0102-2870-4/18 od 26.10.2018. godine i pravosnažne Odluke o izboru najpovoljnijeg ponuđača, broj:0103-2870-97/18 od 30.01.2019. godine.

Član 3.

Za period naveden u članu 1. Ugovorni organ će, u skladu sa članom 32. stav (2) Zakona o javnim nabavkama Bosne i Hercegovine, tokom cijelog ugovornog perioda zaključivati ugovore sa Ponuđačem bez primjene postupaka utvrđenih u Zakonu o javnim nabavkama Bosne i Hercegovine, odnosno na predmetne nabavke neće se primjenjivati odredbe propisa kojim se uređuje postupak javne nabavke.

Član 4.

Na osnovu ovog Okvirnog sporazuma Ugovorne strane će zaključivati pojedinačne ugovore kojim će bliže regulisati prava i obaveze za realizaciju ovog Okvirnog sporazuma odnosno nabavku rezervnih dijelova za Teretno i putničko vozilo Zastava, čija finansijska vrijednost odnosno period trajanja maksimalno može biti do iznosa i perioda utvrđenog u članu 1. ovog Okvirnog sporazuma, a što će zavistiti od potreba i interesa Ugovornog organa.

Pojedinačne nabavke odnosno ugovori obavezno će se zaključivati pod uslovima utvrđenim u tenderskoj dokumentaciji odnosno prema ponudi Ponuđača, odnosno u skladu sa odredbama Zakona o javnim nabavkama Bosne i Hercegovine i Zakona o obligacionim odnosima FBiH.

Član 5.

Ponuđač se obavezuje da će Ugovornom organu za vrijeme trajanja Okvirnog sporazuma vršiti sukcesivnu isporuku roba navedenih u članu 1. ovog Ugovora u roku od 24 (dvadesetčetiri) sata od dana zaprimanja

zahtjeva za nabavku fcco Centralni magacin "Hadžići" i fcco Mehanička radionica „Srednje“, a u skladu sa tenderskom dokumentacijom, broj:0103-2870-7/18.

U slučaju kašnjenja u isporuci roba, do kojeg je došlo krivicom Ponuđača, isti se obavezuje da Ugovornom organu plati ugovornu kaznu u skladu sa Zakonom o obligacionim odnosima u iznosu od 1 % (vrijednosti ugovorenih roba) za svaki dan kašnjenja do urednog ispunjenja, s tim da uskupan iznos ugovorne kazne ne može prijeći 10% od ukupne ugovorene vrijednosti roba koja je predmet narudžbe. Ponuđač je dužan platiti ugovornu kaznu u roku od 7 dana od dana primanja zahtjeva za plaćanje od strane Ugovornog organa.

Član 6.

Ponuđač se obavezuje da će isporučivati samo originalne rezervne dijelove koji su po svojim karakteristikama identični rezervnim dijelovima koji su se koristili prilikom proizvodnje teretnih i putničkih vozila koja su predmet ovog Ugovora.

U slučaju reklamacije Ugovornog organa na kvalitet i kvantitet isporučene robe, Ugovorne strane će zapisnički konstatovati eventualne nedostatke u prisustvu svojih ovlaštenih predstavnika, a Ponuđač se obavezuje da će iste otkloniti odmah zamjenom robe čiji je kvalitet zadovoljavajući.

Član 7.

Ugovorni organ se obavezuje da Ponuđaču za isporučenu robu koja je predmet ovog Okvirnog sporazuma, a u skladu sa ispostavljenom narudžbenicom plati novčanu naknadu sa uračunatim PDV-om u skladu sa jediničnim cijenama roba datim u Obrascu za cijenu ponude, a koje su dostavljene u Ponudi Ponuđača.

Član 8.

Ugovorni organ se obavezuje da Ponuđaču za isporučene robe navedene u članu 1. ovog Okvirnog sporazuma, a u skladu sa ispostavljenom narudžbenicom plati novčanu naknadu u skladu sa jediničnim cijenama roba datim u Obrascu za cijenu ponude, u roku od 30 (trideset) dana od dana ispostavljanja fakture.

Uplatu po ispostavljenoj fakturi Ugovorni organ će izvršiti na transakcijski račun Ponuđača, broj: 154-260-200-36245-17 otvoren kod Intesa SanPaolo banke.

Član 9.

Za realizaciju ovog Okvirnog sporazuma u ime Ugovornog organa zadužuje se Izvršni direktor Oblasti za šumarstvo.

Član 10.

Za praćenje realizacije ovog Okvirnog sporazuma u ime Ugovornog organa zadužuje se Služba za marketing i komercijalne poslove.

Član 11.

Okvirni sporazum primjenjuje se zbog postojanja okolnosti utvrđenih u članu 32. Zakona o javnim nabavkama Bosne i Hercegovine.

Član 12.

Odredbe ovog Okvirnog sporazuma ne mogu se mijenjati nakon njegovog zaključenja.

Član 13.

Ponuđač u svrhu izvršenja ovog Okvirnog sporazuma nema pravo zapošljavati fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica kojeg je angažovala Stalna Komisija za javne nabavke Ugovornog organa, najmanje 6 (šest) mjeseci po zaključenju Okvirnog sporazuma, odnosno od početka realizacije Okvirnog sporazuma.

Član 14.

Na sve što nije regulisano ovim Okvirnim sporazumom primjenjuju se odredbe Zakona o obligacionim odnosima F BiH.

Član 15.

Sve eventualne sporove po ovom Okvirnom sporazumu ugovorne strane rješavat će sporazumno, a ako to ne bude moguće u slučaju spora po ovom Okvirnom sporazumu nadležan je Općinski sud u Sarajevu.

Član 16.

Ovaj Okvirni sporazum stupa na snagu danom potpisivanja od strane obje Ugovorne strane i primjenjuje se do 31.12.2019. godine.

Član 17.

Ovaj Okvirni sporazum je sačinjen u 6 (šest) istovjetnih primjeraka od kojih 4 (četiri) zadržava Ugovorni organ, a 2 (dva) primjerka Ponuđač za svoje potrebe.

Za Ponuđača




Grubešić Dragan

Broj: 62/2019

Datum: 8.3.2019. godine

Za Ugovorni organ



mr. sc. Nermir Demirović, dipl. ing. šum.

Izvršni direktor Oblasiti za šumarstvo

Proba Adnan, dipl. ing. šum.

Izvršni direktor Oblasiti za opšte poslove

Kečo Hidajeta, dipl. ecc.

Broj: 0103-2870-114/18

Datum: 28.02.2019. godine